

咁酒了後莫駛車

蔡白雪

劇中人：交通(甲)、安全(乙)

甲：阿全仔，看你穿甲遮奢颺，敢是欲去予人請！（兩人佇路裡相拄…）

乙：阿通仔，你真正是半仙！今仔的日子紅帕帕，阮的叔公娶牽手，我欲來去食喜酒。

甲：食喜「酒」！聽著酒—我就「氣」

乙：你這個囡仔痞，疊起來差不多三塊豆腐懸，竟然偷咁酒。

甲：啥人講我偷咁酒！

乙：你毋是講—聽著酒. 你就「去」！

甲：我是咧受氣！

乙：是講—你嘛有夠害—人咧喝酒是共你啥牽礙？哪著一个面仔膨獅獅？

甲：講予你捌，喙鬚好拍結！

乙：看起來—喝酒的人有去犯著你

甲：人講「咁酒定會誤大事」，酒—絕對不是好物件，所以講—喝酒「蓋」毋好—

乙：我看你是咧顛倒(thian-thoh)，拄才講—咁酒定會誤大事，翻頭變做「戒」毋好！

甲：台語若毋捌嘛愛骨力學，我是講咁酒誠毋好！

乙：歹勢啦！毋過—大人毋是講—咁酒會當解憂愁，無咁心肝結規球

甲：欲咁酒的理由是規大攤，咁了過度會傷肝，人嘛講—肝若好，人生是彩色的一肝若耷…

乙：人生是烏白的--

甲：算你勢，有人燒酒淋過頭，天若光--目睷禡開，有淋心
情誠快活，無淋跤手必必掣！

乙：啊！酒精中毒，有影是苦瓜燉鯪魚--可憐喔！

甲：有人燒酒落喉烏白喝，有人酒後刺夯夯(tshì-giâ-giâ)
，可惡的代誌做規山坪！

乙：阿娘喂啊！誠酷刑！是講日頭赤焱焱，隨人顧性命，你
也毋是蹠海邊--哪著管遐闊？

甲：歹勢，雖然我毋是蹠海邊管無闊，毋過，我是蹠佇山頂
會當管誠遠！

乙：蹠佇山頂--管誠遠？底當時加這句，也無共我通知一
下！

甲：這毋是重點，免通知！

乙：看你講甲氣怱怱！老師講「食薰會去礙著人的鼻」，敢
講--「人咧淋酒會去礙著你的胃！」

甲：是袂去礙著我的胃！一人一家代，公媽隨人祀，人欲淋
酒是共我啥底代？

乙：對啊！--咱囡仔人-只要歡歡喜喜過日子...

甲：下一句--安安穩穩度餘年

乙：喂！無禮貌！欲貼門聯嘛愛寫好話，閣再講，咱的人生
猶閣艱艱長--啥物度餘年--有影是烏鴉喙！

甲：我毋是咧烏白對，你敢保證逐家攞會食百二，我看你是
無咧看新聞--

乙：讀冊讀甲頭昏昏、腦鈍鈍，哪有時看新聞--

甲：哎！「秀才秀才騎馬拚拚來，佇馬頂跋落來，兩光甲真厲害！嘿！兩光甲真厲害！」（唱）

乙：喂！你咧罵人閣罵甲真清氣呢！

甲：啥意思？

乙：攞無帶著垃圾話！

甲：哈哈！算你巧！予你看破機關！

乙：好啦！啥物代誌趕緊講！

甲：有人淋酒了後，隨就駛車上馬路，橫佇路中央睷佢直直
𨳊，毋管後壁規排的車，一直佢伊 bonn--

乙：唉！製造交通問題真氣惱，應該共伊揀去籠仔內睷總舖

甲：有的倒佇塗跤翻翻輾(kō-kō-liàn)！

乙：這招袂𨳊，巡查一定掠袂牢！

甲：嘛有彼款看到警察就起童，講是濟公師父來下降！

乙：來來來！看看看！愛淋酒的濟公師父出巡囉！

甲：曷無--你這馬是咧和老人做伙食麻油一鬥(老)鬧熱喔！

乙：當然嘛愛鬥鬧熱！阮阿公講一濟公師父上靈感，趕緊
拜！趕緊拜！

甲：你有影是一兩光甲真厲害！兩—（唱）

乙：擋咧！莫閣唱啊！

甲：你這個憨書呆，你捌看過神明會駛車？

乙：enn—嘿嘿！毋捌！

甲：啊嘛有彼號咁甲醉醉醉，上路了後，煞佢家己拚甲碎碎
碎！

乙：僥倖喔！個兜的公媽，哪會攞無咧鬥保庇！

甲：唉—酒醉的模樣百百款，三暝三日講袂完。

乙：按呢聽起來，足濟人淋酒以後無欲做正經。

甲：到今你才知！猶有閣較悲慘的—

乙：講來逐家聽看覓--

甲：一寡飄撇的少年兄

乙：淋酒駛車無咧驚

甲：油門盡磅催咧行

乙：害死人命旋甲無看(見)--影

甲：予人無爸.無母.無序細

乙：毀人家庭才咧會失禮

甲：嘛有自己賠摻落去(lueh)

乙：人生到站無繼尾

甲：金錢較濟難挽回

乙：咱的性命真寶貴

甲：酒後駛車萬不能

乙：拜託逐家愛遵守

甲：駛車進前，莫淋酒

乙：淋酒了後，莫駛車

合：駛車進前莫淋酒！淋酒了後，莫-駛-車

合：交通(甲)、安全(乙)落台行禮